

Hor. epod. 13

quadro esterno/parenisi/exemplum

Horrida tempestas caelum contraxit et imbres
niuesque deducunt louem; nunc mare, nunc siluae

Threicio Aquilone sonant. **rapiamus, amici,**
occasionem de die dumque uirent genua

et decet, obducta **soluatur** fronte senectus.

tu uina Torquato **moue** consule pressa meo.

cetera mitte loqui: deus haec fortasse benigna

reducet in sedem uice. **nunc** et Achaemenio

perfundi nardo iuuat et fide Cyllenea

leuare diris pectora sollicitudinibus,

nobilis ut grandi cecinit Centaurus alumno:

«Inuicte, mortalis dea nate puer Thetide,

te manet Assaraci tellus, quam frigida parui

findunt Scamandri flumina lubricus et Simois,

unde tibi reditum certo subtemine Parcae

rupere, nec mater domum caerulea te reuehet.

illic omne malum uino cantuque leuato,

deformis aegrimoniae dulcibus adloquiis».

carm. I 11 (asclepiadei maggiori)*

Tu ne quaesieris, scire nefas, quem mihi, quem tibi

finem di dederint, **Leuconoe,** **nec** Babylonios

temptaris numeros. **ut melius quicquid erit pati,**

seu pluris hiemes seu tribuit Iuppiter ultimam,

quae nunc oppositis debilitat pumicibus mare 5

Tyrrhenum. **sapias,** uina **liques** et spatio breui

spem longam **reseces.** Dum loquimur, fugerit inuida

aetas: **carpe diem,** quam minimum credula postero.

*Altri carmina del *carpe diem*: I 4, IV 7,12.

9 (strofe alcaiche)

Vides ut alta stet niue candidum

Soracte nec iam sustineant onus

siluae laborantes geluque

flumina constiterint acuto?

Dissolue frigus ligna super foco 5

large reponens atque benignius

deprome quadrimum Sabina,

o Thaliarche, merum diota.

permitte diuis cetera, qui simul

strauere uentos aequore feruido 10

deproeliantis, nec cupressi

nec ueteres agitantur orni.

quid sit futurum cras, fuge quaerere, et

quem fors dierum cumque dabit, **lucro**

adpone nec dulcis amores

sperne, puer, **neque tu choreas,** 15

donec uirenti canities abest

morosa. **nunc** et Campus et areae

lenesque sub noctem susurri

conposita repetantur hora,

nunc et latentis proditor intumo 20

gratus puellae risus ab angulo

pignusque dereptum lacertis

aut digito male pertinaci.